

ՀԱՇՎԵՏՎՈՒԹՅՈՒՆ

ՀՀ կառավարության 2018թ. գործունեության միջոցառումների ծրագրի և գերակա խնդիրների կատարման ուղղությամբ ՀՀ սփյուռքի նախարարության իրականացրած աշխատանքների վերաբերյալ

2018թ. գերակա խնդիրները եղել են 4-ը, որոնց ուղղությամբ կատարվել են բոլոր նախատեսված ծրագրերը:

1. Հայրենադարձության գործընթացի խթանում

Ուսումնասիրվել է Հայրենադարձության խթանման միջազգային փորձը և դրանց հնարավոր կիրառումը նախարարության համապատասխան ծրագրերում:

Կազմվել է «Հայրենադարձության կազմակերպման անհրաժեշտ քայլեր» բրոշյուրը, որտեղ ներկայացվել են հայրենադարձության իրականացման համար անհրաժեշտ քայլերը, գործընթացի փուլային կազմակերպումը, ծրագրի ընտրությունը, անհրաժեշտ փաստաթղթերի ծրարը, նախատեսվող արտոնությունները և այլն:

Լրամշակվել են «Հայրենադարձության կազմակերպման Ռազմավարության» և «Հայրենադարձության մասին» ՀՀ օրենքի նախագծերը:

Սփյուռքի համայնքային կառույցներին և անհատներին, հանդիպումների ընթացքում ու տեսաժողովների միջոցով պարբերաբար տրամադրվել կամ ներկայացվել են հայրենադարձության գործընթացի ուղղությամբ իրականացվող աշխատանքները, հավաքել նրանց կարծիքներն ու առաջարկությունները, որոնք ամփոփվում են:

Նախարարությունում կայացել է Հայրենադարձության հիմնախնդիրներին նվիրված հանդիպում, պետական, միջազգային և հասարակական կառույցների ներկայացուցիչների մասնակցությամբ, որի ընթացքում քննարկվել են հայրենադարձներին մաքսային ու հարկային, կրթական ու առողջապահական արտոնությունների անհրաժեշտ շրջանակները, օրենսդրական կարգավորումներին վերաբերող հարցերի լայն շրջանակ:

2. Հայոց Գեղասպանության միջազգային ճանաչմանը և դատապարտմանն ուղղված քաղաքականության շրջանակներում սփյուռքահայ երիտասարդության շրջանում պատմական հիշողության փոխանցմանը և ամրապնդմանն աջակցություն

Կայացել է «Հայոց ցեղասպանության պատճառով հայության կրած նյութական վնասները. «լքյալ գույք» և հայրենագրկում» թեմայով գիտաժողովը:

Հավաքագրվել են Թուրքիայում առաջադեմ թուրք, քուրդ, ալեվի և համշեն գրողների կողմից հեղինակած՝ հայերի ջարդն ու կոտորածները նկարագրող հոդվածները և ամփոփվում են:

Նախարարության աջակցությամբ տարբեր գիտական հիմնարկներ իրականացրել են Հայոց ցեղասպանությանը նվիրված հետազոտություններ, որոնք տպագրվել են:

3. Հայաստան-սփյուռք գործակցության մեջ երիտասարդական կազմակերպությունների դերի ակտիվացում

Նախարարությունն աջակցել է Վիեննայում Եվրահայկական 23-րդ խաղերի անցկացմանը, որոնց մասնակցել են 37 պատվիրակներ և մարզական թիմեր աշխարհի 15 երկրից՝ շուրջ 750 մասնակից:

Հուլիսի 20-29-ը Հայաստանում կայացել է Հայ մարմնակրթական ընդհանուր միության հիմնադրման 100-ամյակին նվիրված տոնակատարություններ և 11-րդ բանակում: Հայաստան են ժամանել 24 երկրի 26 շրջանից՝ 3000 ՀՄԸՄ-ականներ:

Օգոստոսի 10-24-ը կայացել է «Քայլ դեպի տուն» ծրագիրը, որին մասնակցել է շուրջ 400 սփյուռքահայ՝ աշխարհի 24 երկրից:

Պարբերական աշխատանքներ են տարվել Սփյուռքի հայկական երիտասարդական կազմակերպությունների հետ նախարարության ծրագրերին մասնակիցների ավելի լայն շրջանակի ապահովման ուղղությամբ, որի արդյունքում նախարարության ծրագրերի մասնակիցները գերակշիռ մասն եղել են սփյուռքի երիտասարդները:

Թիրախավորելով սփյուռքի երիտասարդ ձեռներեցներին՝ կազմակերպվել է «Ներուժ» սփյուռքի երիտասարդների ստարտափ ծրագիրը, որի ավարտական փուլին մասնակցել է 27 երկրներից 71 (51-ը՝ Սփյուռքից) ստարտափ գաղափար ներկայացնող 127 մասնակից, որի ընթացքում ընտրվել են ծրագրին մասնակից այն 9 ստարտափները, որոնց հատկացվելու են դրամաշնորհները (5-15 մլն հայկական դրամ):

Նախարարությունը, համագործակցելով սփյուռքի համայնքային կառույցների և դիվանագիտական ներկայացուցիչությունների հետ, սփյուռքի համայնքներում կազմակերպել է «Հայաստանի Հանրապետություն և Մայիսյան հերոսամարտեր - 100» խորագրով և Երևանի 2800-ամյակին նվիրված տասնյակ միջոցառումներ, որոնց մասին նյութերը հրապարակվել են «Հայերն այսօր» պարբերականում:

4. Սփյուռքում հայապահպանության հիմնախնդրի լուծման գործում մշակութային գործոնի ավելացում

Համահայկական մշակութային փառատոնի շրջանակներում իրականացվել են՝ Պարարվեստի օրեր, Երգչախմբային արվեստի օրեր, Ասմունքի համահայկական փառատոն Շուշիում և «Հայ երգի օր» միջոցառումները, որոնց ընդհանուր առմամբ մասնակցել է 405 հոգի՝ 11 երկրից:

Նախարարության աջակցությամբ, նաև սփյուռքի համայնքային, կրթամշակութային, համահայկական կառույցների հետ համագործակցությամբ Հայաստանում իրականացվել են սփյուռքահայ նշանավոր մշակութային գործիչների, խմբերի, կառույցների հորեղաններին նվիրված տասնյակ մշակութային միջոցառումներ:

Աբխազիայում և Նիդերլանդների Ալմելո քաղաքում կազմակերպվել են հայոց լեզվի և գրականության շուրջ 120 սփյուռքահայ ուսուցիչների վերապատրաստման դասընթացներ՝ Հայաստանից գնացած մասնագետների կողմից:

2018թ. գործունեության միջոցառումներ

Գործունեության միջոցառումներն եղել են 5-ը.

2018թ. գործունեության միջոցառումների ծրագրով նախատեսված ՀՀ կառավարության որոշումների 4 նախագծերից 3-ը ժամանակին ներկայացվել են ՀՀ կառավարություն և ընդունվել են, իսկ 1-ը՝ «Սիրիական հակամարտության հետևանքով հարկադիր տեղահանված և Հայաստանի Հանրապետությունում պաշտպանություն հայցող անձանց ինտեգրման 2018-2022 թվականների ռազմավարությանը հավանություն տալու մասին» ՀՀ կառավարության որոշման նախագծի լրամշակված տարբերակը ներկայացվել է ՀՀ վարչապետի աշխատակազմ:

«Հայրենադարձության մասին» ՀՀ օրենքի նախագիծը քննարկման փուլում է: